



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 77. Quidam Judæus a Pio V. ad Christi fidem conversus.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.

A.C. 1566.

§. LXXVI.

Diversum Romæ iudicium de hisce
sanctionibus.

Thuan. l. 39. Verum non æque omnibus Romanis tot Constitutiones arridebant; eorum equidem nonnulli Papæ studium de prædicabant, alii vero eundem immoderati zeli arguebant: nec deerant nonnulli, qui hæc leges Pastoralis officio, aut saltem Principis dignitati supremo Pontificatui annexæ contrarias esse spargerent, perinde ac si virtus, recta status administratio, atque ordinata disciplina non quamlibet hominum conditionem deceret, vel cum humanis dignitatibus conjungi haud posset: equidem Pontifex Pius V. de hisce variis sermonibus edocebatur, nihil tamen de suo zelo remittens respondit: *Fidamus in Deo, quo auctore, ita nos geramus, ut gravior Romanis nostræ mortis, quam electionis sit mæror.*

§. LXXVII.

*Quidam Judæus a Pio V. ad Christi
fidem conversus.*

Prateolus in Annal Eccl. Victorall. apud Ciac. tom. 3. p. 997. Hoc item anno feria tertia Pentecostes Pontifex Judæum oppido divitem nomine Eliam, antea Rabbinum, seu sectæ suæ Doctorem sacro lavacro abluit. Ferunt, quod Pius V. adhuc Cardi-

Cardinalis sæpius eundem ad ample-
ctendam veram Religionem hortatus
fuerit, Judæus vero sæpius reposuerit,
se Judaicam superstitionem abjuratu-
rum, si Michael Ghislerius ad supre-
mum Pontificatum sit evehendus: post-
quam igitur hic idem sub Pii V. nomi-
ne Sancti Petri cathedram conscende-
rat, Judæum ad datæ fidei suæ execu-
tionem provocabat, cum ergo ipsamet
Dei gratia Eliæ cor penetraret, ideo id,
quod ore promisit, opere executus est,
moxque sacro fonte tingi petens præsen-
tibus Cardinalibus, ac pene innumera
populi multitudine Baptismum recepit,
imo unacum eo ipsius quoque uxor,
tresque ejus liberi, ac suorum Nepo-
tum unus pariter lustrali aqua Chri-
stiano gregi fuere aggregati: porro E-
liæ dabatur nomen Michaelis, ipse au-
tem Deus hujus Rabbini exemplo ad
plures alios ad veram fidem adducen-
dos utebatur, inter quos etiam hujus
sectæ doctissimi unacum illo abjurata
judaicæ superstitionis falsitate sese jugo
Christi Domini mancipabant: Pius ve-
ro Pontifex hujus Neophyti familiam
amplis privilegiis auxit, atque ex ejus-
dem prolibus unam adoptavit, insuper
ut ceterorum Judæorum conversio fa-
cillior redderetur, domum erexit, in qua
illi

Sæcul. XVI.
A.C. 1566.

Sæcul XV) illi fidei rudimentis imbui, ac Cathed.
 A.C. 1566. chumeni enutrirı possent.

§. LXXVIII.

Chios, seu Scio Insula a Turcis occupata.

*Chalcond.
 hist des Tu-
 res tom. 1.
 l. 14. p 66.
 Thu. l. 39.
 Bosius hist.
 Jerosol.
 l. 36.*

Die decima quarta Aprilis Turcæ Chios insulam occuparunt, quæ ab anno Domini millesimo trecentesimo quadragesimo sexto sub Genuensium ditione erat: equidem victores nonnisi præcipuam deprædabantur Ecclesiam Deo sacratam sub invocatione Sancti Petri, imo cuilibet vitæ gratiam fecerunt, eoquod nullus eorum furori resisteret, multas tamen alias impietates perpetrabant, ac præprimis cum Templum Divi Petri spoliarent, Turcarum quidam *ciborium*, ut vocant, in quo plures SS. Hostiæ reconditæ erant, profanis manibus contrectabat, & Præsulem loci rogabat, num hic Christianorum Deus, & illa suæ fidei mysteria essent, id cum Episcopus affirmaret, mox Turca ciborium in terram cum summo furore projicit, ad quam impietatem præsul incredibili dolore percussus, statim flexis genibus projecta colligebat, inquires: me prius, oro interfice, quam hæc SS. Mysteria pedibus conculcari videam, unde commotus est vehementi Præsulis affectu barbarus,